



La figlia dad Armon Lingenhag preschainta il «Cumpogn», ün bastun innovativ da chaminar. Cull'app «EngadinOnline» as chatta quia ulterluras fotografias.

fotografias: Andrea Badrutt



Ün cumpogn ed ün trafögl per mincha situaziun

La società grischuna «Mobiglia» promouva novas ideas e designs per interpretar da nou mobiglia e prodots d'adöver. A quista società fan part differents Engiadinais, tanter quels ils falegnams Armon Lingenhag da Seraplana e Curdin Müller da Sclamischo. Lur prodots vegnan preschantats a Turich.

Sclamischo, tanter Strada e Martina. Ramon Zangger da Samedan ha surtut la produziun dal sideboard «Fassetta» (seguonda piazza) e la fuschina da Thomas Lampert a Guarda la realisaziun dal curtè «fier» (terza piazza). La «Engadiner Lehrwerkstatt» a Samedan ha surtut il giovaret «Nus» (terza piazza) e la sopcha «Plima». Ün ulteriur proget nominà es stat il bastun da chaminar «Cumpogn» dad Adina Hanny da Cuoiara. La produziun da quist bastun ha surtut la falegnamaria Armon Lingenhag da Seraplana.

cun üna corda da filfier. Quista maisa es variabla ill'otezza e chatta l'equiliber sün mincha fuond. Daspò settember es la falegnamaria da Curdin Müller l'andervia a chattar üna soluziun per prodüer l'idea innovativa. «Da realisar ün prototip es üna, ma da chattar üna soluziun per realisar l'idea in seria es ün'otra sfida», quinta il maisterfalegnam. El ha investi temp e munaida in quist proget ed es uossa cuntaint da pudair preschantar il trafögl. «Per mai es quai eir ün pa ün hobi», disch Müller e renda attent, cha tuot la procedura da svilup nu sarà mai economica. El vül vender sia maisa in differents butias in Engiadina e giò la Bassa.

NICOLÒ BASS

Daspò il 2015 exista la società grischuna «Mobiglia» cul böt da promouever progets per realisar mobiglia ed oters ogets indigens da buna qualità. A quista società fan part differents falegnams ed oters mansterns, sco eir architects e designers da mobiglia. Eir l'Engiadina es flich bain rapreschantada in quist'organisaziun: La mità dals commembers sun falegnamarias e fuschinas engiadinaisas. Da primavaira ha organisà quista società üna concurrenza per mobiglia



ed ogets innovativs chi dessan finalmaing eir gnir realisats dals commembers da la società. In tuot sun entradas 53 ideas. La gürja, cun tanter oter Ramon Zangger e Remo Püntener da Samedan, ha finalmaing nominà dundes progets chi sun gnüts realisats in fuorma d'ün prototip. Ils commembers da la società han pudü tscherner da che proget chi vöglan surtour la realisaziun. Duos progets han raggiunt la prima piazza e surgni minchün 3500 francs: La gardaroba «Colliaziun» da Jon Fadri Jann da Sent chi vain realisada da la falegnamaria Shuler-Rozzi a Bravuogn, e la maisa «Traifegl» da Fabian Weber da Luzern chi vain realisada da la falegnamaria Curdin Müller da

Il trafögl da Curdin Müller

Eir il «Traifegl» da Curdin Müller vain preschantà a l'exposiziun a Turich ed eir el es pront per la produziun da la maisa chi exista da trais plattas e da trais chommas chi tegnan insembel

Las dundes lavours nominadas e rangadas da la società grischuna «Mobiglia», tanter quellas eir il «Cumpogn» ed il «Traifegl» vegnan preschantats dals 14 fin als 17 november a l'exposiziun «Neue Räume» a Turich.

Engiadina innovativa

Ün buol per qualità e creatività

L'«Engadiner Post/Posta Ladina» ha creà avant trais ons il buol «Engiadina innovativa» per distinguer lavur creativa e da buna qualità illa regiun. Undradas vegnan persunas e dittas da l'Engiadina e valladas dal süd chi preschantan novas ideas e prodots innovativs. Undradas vegnan eir persunas engiadinaisas cun grond success e collavuraziuns innovativas. La società «Mobiglia – Handwerkskultur in Graubünden», cun bod la mità dals commembers Engiadinais ha merità il buol «Engiadina innovativa» per la buna vögla da promouever novas ideas e novas interpretaziuns da mobiglia ed ogets tradiziunals e per s'ingaschar in mod innovativ per l'avegnir economic da quists affars. Quistas primas lavours moderns vegnan uossa preschantadas a l'exposiziun «Neue Räume» a Turich. (nba)



La maisa «Traifegl» chi vain realisada da la falegnamaria da Curdin Müller a Seraplana es adattada per mincha fuond e stüpara.

fotografia: mad